



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Prania / Dorezuar Priljeno/Protuto Received/Delivety	22.12.2023	3	viti god year
Organ /Njesia Organ /Jedinica Org./Unit	Hi Prot Br Prot Prot No	Shtojca Prilog Appendis	Sasia Kolicina Quantity
SKP/MSHCK	7598/2023		1/5



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.Nr.1332/2023

Këshilli i Pavarur Mbikëqyrës për Shërbimin Civil të Kosovës–Kolegji për Shqyrtimin dhe Vendosjen e Ankesave në përbërje nga: Ardita Haxhnikaj Demi-kryetare; Jeton Koca dhe Eshref Shabani, anëtarë; me Avdyl Bekteshi-Zyrtar i lartë për bashkëpunim profesional në cilësinë e procesmbajtëses, ka shqyrtuar ankesën A.nr.1332/2023, të datës 25.10.2023, të parashtruar nga ankuesi me adresë nga Kamenica, kundër organit të punësimit: Komuna e Kamenicës, në çështjen juridike „kontestim konkursi”, duke vepruar në pajtim me nenin 6 paragrafin 1 nën paragrafin 1.1, nenin 16 paragrafin 3 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, me datë 22.12.2023, njëzëri mori këtë:

V E N D I M

I. Refuzohet si e pabazuar ankesa me numër A.nr.1332/2023, e datës 25.10.2023, e parashtruar nga ankuesi

II. Mbetet në fuqi Vendimi Nr.35642/2023, i datës 23.10.2023, i Udhëheqësit të Burimeve Njerëzore në Komunën e Kamenicës.

A r s y e t i m

Ankuesi (me tej vetëm ankuesi) me datë 25.10.2023, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër Vendimit Nr.35642/2023, të datës 23.10.2023, të Njesisë së Burimeve Njerëzore të Komunës së Kamenicës, me pretendimet ankimore se njësia përgjegjëse nuk ka shqyrtuar fare pretendimet ankimore sipas ankesës së datës 19.10.2023, në listën e ngushtë, në Konkursin me numër të referencës RN00012523, për pozitën Zyrtar për Prodhimtari Bimore dhe se vendimit të kundërshtuar i mungon udhëzimi mbi mjetin juridik.

Këshilli i Pavarur Mbikëqyrës për Shërbimin Civil të Kosovës (tutje Këshilli), bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 27.10.2023 ka proceduar kërkesën për përgjigje në ankesë të Komuna e Kamenicës, ndërsa, kjo e fundit, më datë 02.11.2023, ka përcjellë përgjigjen në ankesë së bashku me shkresat lidhur me çështjen në procedurë.

Kryetari i Këshillit të Pavarur Mbikëqyrës, bazuar në dispozitat e nenit 17 paragrafit 2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, me Vendimin me numër protokollit

7225/2023, të datës 05.12.2023, ka vazhduar afatin për vendimmarrje edhe për 10 ditë pune lidhur me ankesën A.nr.1332/2023 të datës 25.10.2023.

Kolegji për Shqyrtimin dhe Vendosjen e Ankesave pas konstatimit se ankesa është e pranueshme në kuptime të nenit 129 të Ligjit Nr.05/L-031 për Procedurën e Përgjithshme Administrative, ka administruar këto prova: Ankesën me numër protokollit 6686/2023, të datës 25.10.2023, të parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Vendimin me numër A.nr.898/2023 të datës 18.08.2023 të KPMSHCK-së; Konkursin me numër të referencës RN00012523 të datës 12.09.2023; Shkresën zyrtare të datës 18.10.2023 të Njesisë së Burimeve Njerëzore të Komunës së Kamenicës lidhur me listën e ngushtë të kandidatëve; Vendimin me Nr.34930 të datës 18.10.2023 të Njesisë së Burimeve Njerëzore lidhur me refuzimin e aplikacionit të ankueses; Ankesën e ankuesit të datës 19.10.2023 e parashtruar tek Njësia e Burimeve Njerëzore; Vendimin me Nr.35642 të datës 23.10.2023 të Njesisë së Burimeve Njerëzore; Shkresën zyrtare të datës 23.10.2023 lidhur me verifikimin paraprak të kandidatëve nga Njësia e Burimeve Njerëzore; Certifikatën mbi dënimet penale të ankuesit të datës 05.10.2023; Vërtetimin e ankuesit të datës 05.10.2023 nga Policia e Kosovës; Kopjen e letërnjoftimit të ankuesit; Referencën e datës 02.11.2016 nga Agjencia e Statistikave të Kosovës për ankuesin; Letër referencën e datës 18.04.2023 nga Geo Land sh.p.k për ankuesin; Pasqyrën e llogarisë së trustit për ankuesin nga periudha prej 01.08.2002-05.10.2023; Vërtetimin tatimor të datës 10.10.2023 nga Administrata Tatimore e Kosovës për ankuesin; Dëshminë e përvojës së punës nga Certifikatën e regjistrimit të datës 28.07.2017 nga ARBK; Kontratën e punës së ankuesit me Arbor Group Sh.P.K; Vërtetimin me Nr.10818 të datës 16.04.2021 të Njesisë së Burimeve Njerëzore; Certifikatën e ankuesit me Nr.476 të datës 20.12.2019 nga Qendra Edukuese e Fermerëve; Certifikatën e ankuesit të datës 10.10.2014 nga S4RE-Skills for Rural Employment; Certifikatën e ankuesit të datës 30.03.2013 nga USAID; Diplomën e ankuesit me Nr.367 të datës 14.10.2021, nga Universiteti i Prishtinës-Hasan Prishtina; Diplomën e ankuesit me Nr.553 të datës 02.09.2016 nga Universiteti i Prishtinës-Hasan Prishtina; Diplomën e ankuesit me numër 358 të datës 11.06.2007; Kërkesën për përgjigje në ankesë të datës 27.10.2023 nga Këshilli i Pavarur Mbikëqyrës për Shërbimin Civil të Kosovës; Përgjigjen në ankesë të datës 02.11.2023 nga Komuna e Kamenicës së bashku me shkresat e bashkangjitura të lëndës dhe atë: Vendimin me Nr.16592 të datës 17.05.2023 për formimin e Komisionit të pranimit; Akt emërimit me Nr.6194 të datës 02/03 për Akt emërimit me Nr.439/15 të datës 15.09.11 për Vendimin me Nr.14672 të datës 11.05.2022 lidhur me emërimin e anëtarit të komisionit të pranimit si ekspert i jashtëm; Akt emërimit me Nr.1943 të datës 16.05.2012 për Akt emërimit me Nr.6191 të datës 02.05.2020 për A K-S; Certifikatën për nga GIZ; Certifikatën për të muajit mars 2023 nga GIZ; Certifikatën për D.M për periudhën 18.10.2016-16.05.2017 nga Yunus Emre Enstitusu; Marrëveshjen për punë praktike me Nr.100-352/2 të datës 02.05.2023 për me MFPT-në; Vendimin me Nr.349929 të datës 18.10.2023 lidhur me refuzimin e aplikacionit të kandidatës Kontratën e punës së ankuesit me Nr.27105 të datës 08.09.2021, lidhur me Komunën e Kamenicës; Kopjen e letërnjoftimit të ankuesit Vërtetimin me Nr.10818 të datës 16.04.2021 nga Zyra e Personelit të Komunës së Kamenicës për ankuesin si dhe Vendimin me numër të protokollit 7225/2023 të datës 05.12.2023 lidhur me vazhdimin e afatit të ankesës së ankuesit në Këshill.

Kolegji i Këshillit duke u bazuar në vlerësimin e hollësishëm të çdo prove veç e veç dhe të gjitha provave të marra së bashku, si dhe bazuar në rezultatin tërësor të shqyrtimit administrativ, konstatoi se janë të pabazuara pretendimet ankimore të ankuesit, **sepse:**

Nga administrimi i provave të lëndës rezulton se Komuna e Kamenicës me datë 12.09.2023, ka publikuar Konkursin për pranim, me numër reference RN00012523, për emrin e grupit “Specialistë i Biologjisë dhe Botanikës”, me titull të vendit të punës “Zyrtar për Prodhimtari Bimore” në Drejtorinë e Bujqësisë, Pylltarisë dhe Zhvillimit Rural, Klasa profesional 2, një (1) vend. Konkursi ka qenë i hapur për aplikim nga data 26.05.2023 deri me datë 05.06.2023, e në të cilin, ka aplikuar edhe ankuesi me datë 02.06.2023, sipas aplikacionit RAN0015027.

Në fazën e shqyrtimit paraprak, Njësia për Menaxhimin e Burimeve Njerëzore me Vendimin Nr.34930 të datës 18.10.2023, ka refuzuar aplikacionin e ankuesit, me arsyetimin se kualifikimi shkollor i tij nuk përkon me kualifikimin e fushës së arsimit të kërkuar sipas konkursit.

Ankuesi i pakënaqur me vendimin lidhur me refuzimin e aplikacionit, me datën 19.10.2023, ka parashtruar ankesë pranë Njesisë për Menaxhimin e Burimeve Njerëzore të Komunës së Kamenicës, ndërsa kjo e fundit me Vendimin Nr.35642 të datës 23.10.2023, ka refuzuar ankesën e ankuesit me arsyetimin se i njëjti nuk i ka plotësuar kërkesat e përgjithshme formale siç janë shpallur me konkurs, gjegjësisht se i njëjti është i kualifikuar bachelor në mbrojtje të bimëve, kurse sipas konkursit kualifikimi arsimor i kërkuar ka qenë diplomë universitare me së paku 3 vite të studimeve: Biologji/Botaniqë/Prodhim Bimor/Agronomi.

Në kontest të shqyrtimit të pretendimeve ankimore, Kolegji i Këshillit iu referua dispozitave ligjore lidhur me procedurën e verifikimit paraprak, përkatësisht:

- Ligjin Nr.06/L-114 për Zyrtarët Publikë (i aplikueshëm në kohën e shpalljes së konkursit), ku me nenin 34 përcaktohet: 1. *Përveçse kur parashikohet shprehimisht ndryshe në këtë ligj, pranimi në Shërbimin Civil bëhet në kategorinë profesionale në grupin e administrimit të përgjithshëm dhe në secilin nga grupet e administrimit të veçantë.* 2. *Pranimi në kategorinë profesionale bëhet nëpërmjet një konkurrimi të hapur dhe publik. Konkurrimi organizohet në mënyrë periodike dhe sipas nevojave dhe së paku një herë në vit, për grupin e administrimit të përgjithshëm dhe për secilin nga grupet e administrimit të veçantë.* 3. *Konkurrimi organizohet nga DMZP për institucionet e administratës shtetërore dhe nga Njësia e Burimeve Njerëzore për çdo institucion tjetër (në tekstin në vijim: njësia përgjegjëse).* 4. *Njoftimi për hapjen e procedurës të konkurrimit shpallet në një afat jo më të shkurtër se 21 ditë, nga data e përcaktuar për paraqitjen e aplikimit, nga njësia përgjegjëse, në ueb faqen unike të procedurave të konkurrimit të SIMBNJ dhe me mjete të tjera të përshtatshme. Afati për pranimin e aplikacioneve nuk mund të jetë më i shkurtër se 8 dite dhe jo më i gjatë se 15 ditë kalendarike.* 5. *Shpallja e konkursit, sipas paragrafit 4 të këtij neni, përfshin përshkrimin e përgjithshëm të punës për grupin përkatës, pozitat e punës të lira në grupin përkatës, kriteret që duhet t'i plotësojnë kandidatët, afatin për aplikim, të dhënat e hollësishme për zhvillimin e procesit të përzgjedhjes dhe dokumentacionin që duhet paraqitur për aplikim.* 6. *Konkurrimi zhvillohet në dy faza: 6.1. verifikimi paraprak, nëse kandidatët i plotësojnë kriteret e përgjithshme dhe ato të veçanta, sipas shpalljes së konkursit; 6.2. vlerësimi i njohurive dhe cilësive profesionale të kandidatëve.* 7. *Verifikimi paraprak kryhet nga Njësia e përgjegjëse, ndërsa vlerësimi i kandidatëve bëhet nga Komisioni i pranimin (në vijim: Komisioni i pranimin), i krijuar për secilin grup të administrimit të përgjithshëm apo administrimit të veçantë për të cilin zhvillohet konkurrimi...*

-Rregulloren (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, ku neni 10 parasheh se : “1.Shpallja e konkurimit për një Grup të caktuar përmban, të paktën, këto të dhëna: 1.1. përshkrimin e përgjithshëm të punës së Grupit për të cilin zhvillohet konkurrimi; 1.2. Kërkesat e përgjithshme për pranim sipas nenit 8 të LZP; 1.3. kërkesat e përgjithshme formale; 1.4. njohuritë, aftësitë dhe cilësitë që vlerësohen në procedurën e konkurrimit (kërkesat e përgjithshme të nevojshme); 1.5. listën e pozitave, aktualisht të lira, të Grupit për të cilin zhvillohet konkurimi; 1.6. mënyrën për paraqitjen e aplikacioneve; 1.7. afatin përfundimtar për pranimin e aplikacioneve të përcaktuar me datë të saktë kalendarike; 1.8. dokumentet që duhet të dorëzohen si pjesë e aplikacionit dhe mënyrën e dorëzimit të tyre; 1.9. mënyrën e vlerësimit të kandidatëve/aplikantëve; 1.10. mënyrën e njoftimit dhe komunikimit me kandidatët...” 2.Të gjitha shpalljet e konkurimit, gjithashtu, përmbajnë këto shënime: 2.1. “Komunitetet jo shumicë dhe pjesëtarët e tyre kanë të drejtë për përfaqësim të drejtë dhe proporcional në shërbimin civil të Kosovës, siç specifikohet në Ligj”; 2.2. “Aplikacionet e dorëzuara pas afatit të paraparë nuk pranohen dhe aplikacionet e mangëta refuzohen”; 3. Kushtet për aplikim, në pajtim me paragrafin 1, nën paragrafin 1.2 të këtij neni, përfshijnë kërkesat e përgjithshme për pranimin e zyrtarëve publikë në pajtim me nenin 8 të Ligjit dhe kërkesat e veçanta të pranimin në Grupin për të cilin zhvillohet konkurimi, të përcaktuara sipas

dispozitave të Rregullores për klasifikimin e punëve në shërbimin civil. 4. Të gjitha dokumentet e dorëzuara siç kërkohen nga shpallja e konkurimit, kandidati, përmes aplikacionit, vet deklaroi se janë të vërteta dhe mban përgjegjësi për vërtetësinë e tyre. Deklarimi i rrejtshëm paraqet shkak për përjashtimin nga procedura e pranimit. Neni 12 përcakton se: Përmbajtja e aplikacioneve 1. Aplikacioni përmban këto të dhëna: 1.1. një referencë në shpalljen e konkurimit; 1.2. të dhënat personale të kandidatit; 1.3. nivelin e arsimit si dhe diplomën e fituar, institucionet arsimore, datat e diplomimit; 1.4. një përshkrim të hollësishëm të përvojës së punës, duke përfshirë: emrin e punëdhënësit, funksionet, titujt, rangjet, kohëzgjatja e punës, një përshkrim i shkurtër i detyrave, numri dhe lloji i personelit nën mbikëqyrje, adresa e punëdhënësit, arsyet për largimin nga vendi i punës; 1.5. njohuritë gjuhësore; 1.6. informata mbi trajnimet e veçanta të kryera, kualifikimet profesionale dhe specializimet, aftësitë e veçanta dhe publikimet; 1.7. njohuritë kompjuterike; 1.8. emri, adresa dhe numri i kontaktit të dy (2) personave referues; 2. Së bashku me aplikacionin për pjesëmarrje në procedurën e konkurimit, kandidatët duhet të bashkëngjitin edhe dokumentacionin si në vijim: 2.1. kopjet e diplomave të dhëna nga institucionet arsimore; 2.2. kopjet e dëshmisë së punësimit, dhe 2.3. kopjet e dokumenteve që provojnë plotësimin e kushteve për aplikim të përcaktuara në shpalljen e konkurimit dhe të deklaruara në aplikacion. Neni 14 përcakton se: Neni 14 Fazat e konkurrimit 1. Konkurimi për pranimin në shërbimin civil, përfshin dy faza: 1.1. Verifikimi paraprak i kandidatëve; dhe 1.2. Vlerësimi i kandidatëve. Neni 15 përcakton se: 1. Verifikimi paraprak është procesi i verifikimit nëse kandidati plotëson kushtet për aplikim. 2. Verifikimi paraprak kryhet nga Njësia Përgjegjëse, në bazë të dokumenteve të paraqitura si pjesë e aplikimit dhe verifikimeve të tjera sipas detyrës zyrtare që ndërliiden me verifikimin paraprak. 3. Në përfundim të verifikimit paraprak, Njësia Përgjegjëse përcakton kandidatët që plotësojnë kushtet për aplikim. Vetëm kandidatët që plotësojnë kushtet për aplikim kanë të drejtë të vazhdojnë më tej konkurimin në fazën e mëtejshme, e cila njihet si lista e ngushtë. 4. Kandidatët të cilët plotësojnë kushtet për aplikim renditen në një listë sipas rendit alfabetik. Lista shpallet në pajtim me nenin 9 të kësaj Rregulloreje por jo më vonë se pesëmbëdhjetë (15) ditë nga data përfundimtare e pranimit të aplikacioneve. 5. Kandidatë, që nuk plotësojnë kushtet për aplikim në pajtim me paragrafin 1 të këtij neni, nuk kanë të drejtë të vazhdojnë më tej konkurimin. Vendimi për mosplotësimin e kushteve për aplikim, arsyetohet dhe u njoftohet individualisht aplikantëve, jo më vonë se katërmbëdhjetë (14) ditë kalendarike nga data përfundimtare e pranimit të aplikacioneve. 6. Brenda tre (3) ditëve nga data e njoftimit individual, në përputhje me paragrafin 5 të këtij neni, kandidatët e njoftuar që nuk plotësojnë kushtet e aplikimit, kanë të drejtë të paraqesin ankesë të brendshme. Ankesa parashtrohet më shkrim pranë Njesisë Përgjegjëse. Ankesa shqyrtohet nga Njësia Përgjegjëse e cila me vendim e njofton kandidatin brenda pesë (5) ditëve nga paraqitja e saj.

Në kuptim të dispozitave ligjore si më lartë, Kolegji i Këshillit ka analizuar Konkursin me numër reference RN00012523 për emrin e grupit Specialistë i Biologjisë dhe Botanikës, titulli i vendit të punës “Zyrtar për Prodhimtari Bimore”, ku sipas pikës 3, si kërkesa të përgjithshme formale janë përcaktuar: - **Arsimimi:** Diplomë/a e arsimit të lartë më së paku 3 vite të studimeve në Biologji, Botanikë, Prodhim Bimor dhe Agronomi; **Përvoja e punës:** Së paku një (1) vit përvojë pune në fushën për të cilën zhvillohet procedura për plotësimin e pozitë së lirë të punës, ndërsa, sipas pikës 7 të konkursit, dokumentacione për aplikim janë specifikuar: - Kopjet e dokumentit personal (letërnjoftim ose pasaportë), - Kopjet e diplomave të dhëna nga institucionet arsimore, (personat që kanë diplomuar jashtë Kosovës duhet të kenë diplomën e nostrifikuar nga Ministria e Arsimit), - Kopjet e dëshmisë së punësimit, - Kopjet e dëshmisë së trajnimeve; - Certifikatë që nuk jeni nën hetim (jo më të vjetër se nga data e shpalljes së konkursit).

Kolegji i Këshillit, nga analizimi i dokumentacionit të dorëzuar nga ankuesi me rastin e aplikimit ka gjetur se ankuesi ka dorëzuar Diplomën me Nr.553 të datës 02.09.2016, të lëshuar nga Universiteti i Prishtinës “Hasan Prishtina-Fakulteti i Bujqësisë dhe Veterinarisë”, me të cilën dëshmohet se me datë 25.07.2016, ka mbaruar studimet themelore në Drejtimin Mbrojtja e Bimëve dhe me këtë rast ka marrë titullin Bachelor në Mbrojtjen e Bimëve, si dhe Diplomën me Nr.367 të datës 14.10.2021 të lëshuar nga Universiteti i Prishtinës “Hasan Prishtina- Fakulteti i Bujqësisë dhe Veterinarisë”, me të cilën dëshmohet se me datë 30.09.2021 ka

mbrojtur me sukses temën e masterit në drejtimin Mbrojtja e Bimëve-Programi Mbrojtja e Bimëve-Fitomedicinë dhe me këtë rast ka marrë titullin Master në Mbrojtjen e Bimëve-Fitomedicinë. Andaj, ndërlihur me këtë, Kolegji i Këshillit konstaton se ankuesi nuk ka plotësuar kriterin e arsimit lidhur me fushat e përcaktuara sipas konkursit, dhe si rrjedhojë njësia përgjegjëse në këtë rast Njësia për Menaxhimin e Burimeve Njerëzore në Komunën e Kamenicës, me rastin e nxjerrjes së vendimit të goditur me ankesë ka vërtetuar drejtë gjendjen faktike dhe në këtë mënyrë ka zbatuar drejtë ligjin material, duke vepruar në pajtim me Rregulloren (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, nenin 10 paragrafin 2, nën paragrafin 2.2 ku përcaktohet se: “Aplikacionet e dorëzuara pas afatit të paraparë nuk pranohen dhe aplikacionet e mangëta refuzohen”; nenin 12 paragrafin 2 nën paragrafin 2.3 ku theksohet se: “Së bashku me aplikacionin për pjesëmarrje në procedurën e konkurimit, kandidatët duhet të bashkëngjitin edhe dokumentacionin si në vijim: 2 2.3. kopjet e dokumenteve që provojnë plotësimin e kushteve për aplikim të përcaktuara në shpalljen e konkurimit dhe të deklaruara në aplikacionit..”, si dhe nenin 15 paragrafin 5 ku përcaktohet se: 5.”Kandidatë, që nuk plotësojnë kushtet për aplikim në pajtim me paragrafin 1 të këtij neni, nuk kanë të drejtë të vazhdojnë më tej konkurimin”.

Nisur nga fakti se procedura e verifikimit paraprak konsiston në verifikimin nëse kandidati plotëson kushtet e konkursit, Kolegji i Këshillit nuk u lëshua në vërtetimin e pretendimeve tjera ankimore të ankuesit.


Theksuar si më lartë, Kolegji i Këshillit pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës si dhe nenin 132 paragrafin 2 të Ligjit Nr.05/L-031 për Procedurën e Përgjithshme Administrative, vendosi si në dispozitiv të këtij vendimi.

Këshillë juridike: *Vendimi hyn në fuqi ditën e nënshkrimit nga Kryetarja e Kolegjit. Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi*

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.1332/2023

Ardita Perçuku-Shyti


Procesmbajtëse



Vendimi i dërgohet:

- Ankuesit
- Njësia për Menaxhimin e Burimeve Njerëzore në Komunën e Kamenicës dhe
- Arkivit të KPMSHCK-së.